

商文毅公遺行集

商文毅公

榮祿大夫

吏部尚書燕

謹身殿大學士

贈特進光祿大夫太師諡文毅商公行實

公諱輅字弘載別號素庵姓商氏其先汴人

始祖諱瑗寓西夏官至都知兵馬使宋嘉祐

間因奉使歸宋奏獻密事宋嘉其義賜地于

浙之淳安芝山子孫因家焉以蔭補官者三

世至祖諱敬中父諱仲瑄俱以公貴贈資政

大夫兵部尚書兼翰林院學士祖妣胡氏妣

解氏贈夫人公自幼穎敏早有成人志目書
一過水不遺忘宣德四年南十六補庠生
從掌教雲間上端先生遊見即奇之受書經
晝夜淬礪貫通經史下筆千餘言雄健有奇
氣濟華仰肚宣德十年中鄉試第一名正統
紀元上林宸辭乙榜歸遼仲瑄府君疾篤祈
天願以子代竟弗起居喪盡禮哀毀幾殞正
統七年復會試仍辭乙榜卒業太學祭酒安
成李忠文公深見器重隱然自負台輔之望
弟子從遊者衆十年乙丑會試

廷試俱第一賜冠服銀帶授翰林院修撰階承務郎十二年春

命選翰林文學老成者十人進學東閣務期大用公預焉未幾

上諭學士曹鼐等旨商輅著他展書選一箇與他對初選王玉弼稱旨再選編脩陳文未逾月復

諭鼐曰商輅這一對展書官着他講書十三年進階儒林郎十四年陞翰林院侍讀

召入

內閣參預機務時胡虜犯順

英廟北狩國勢危疑羣臣勸

郕王進議未決公偕衆詣

文華殿懇請事遂定又有倡議南遷者中外洵

洵公言如此

宗廟社稷將誰與守况

聖駕一移大勢去矣宜急出榜曉諭人心稍安十

月虜大舉進逼京城衆論戰守不一公言兵

敗之餘只宜固守且賊乘勝遠來勢必難支

宜伏兵歸路擊之時京師戒嚴公內與二三

大臣謀設策至忘腹使外論諸將與
義之心排練軍馬整飾器械為戰守之具
議令遣官分投安輯畿甸投降夷人以防不
虞嚴督邊關固守要害既而賊勢益熾總兵
官石亨析弓矢厲言曰宰臣不出計策我其
能文矣公上疏發

敕宣府遼東令總兵官楊洪曹義各選勁騎刻
期以進與京軍內外夾擊又為張榜虜營有
能擒斬也先者加大爵厚賞後寫書作表序
與司禮監太監興安云約蘇野先令不入寇

宜乘其孤軍合兵剿殺

救與書悉為野先邏卒所獲未幾洪義亦果統
所部兵來我軍大振賊聞一夕遁去京師遂
定時聞浙兩廣雲貴諸處盜賊竊發羽檄
緝奏牘填委公悉心來佐效勞為多景泰元
年三月蒙

賜敕命以前任修撰贈父知其官母封太夫人
妻盧氏封夫人八月陞翰林院學士疏辭
上諭今開經筵正資顧問爾尚懋稱毋使
朝廷聞

英廟回鑾十三日

命公迎候居庸關請

旨發行十四日

駕至上關鴻臚卿楊善引見進呈

詔書

英廟覽畢諭旨便發去我昨日在宣府已着許彬
寫一道敕書發去了還與我寫兩封書一封
奉

娘娘一封與我兄弟說我今日到此明日進城啟
娘娘們喜歡寫書進呈當蒙

賜酒果馬匹明日虜使至求讓先一日於

奉天門賜宴次日就

南內賜宴公曰虜人此舉實仗大義若令進
南內宴彼見另居一處未免退有後言不若兩
宴俱就

文華殿示以彼此無間之意庶可服其心十月
敕同尚書陳公循等日侍

經筵講論公講論經史敷析義理援引古今切
要之言委曲規諫詞旨簡明語音洪暢

聖心悅懌聞者稱善累有冠帶衣服之賜錦衣指

輝盧忠長言

南內事中官阮液等被重刑猶欲窮治不已公
與司禮太監王誠等言盧忠是箇風子如何
聽信他壞了大體傷了骨肉之情急須止之
後追問盧忠衆謂供養真武得其通報由是
盧忠得罪衆皆無累三年三月一日早朝退
後內臣將本來閣下議乃廣西逆賊黃坛所
言移易

儲位事公言這是

朝廷大事有

上聖皇太后在上為臣子的誰敢議違事若依違
本豈不傷了

母后的心當時內臣將本收去意為此事必寢次
日禮部尚書胡濙來言今日會多官東閣議
事公隨同到彼足未及門已聞衆有合議所
言之語時在廷大臣有陞職一品二品者甚
衆初亦欲加公保傅之職公固辭六月陞典
部左侍郎兼翰林院學士左春坊大學士
嘉議大夫未幾

賜誥命其祖父母父如其官母封太淑人

淑人命有司治築崇文門外則居焉時河南
直隸鳳陽等處水患居民流移山東其間有
正統十四年以後山西并北直隸真保定軍
民被連賊驚散者所至有司一切驅逐不容
在境潛位公上言招撫流移填實京師事畢
云采能驅令復業固是美事但恐前項艱難
地方及素無產業之家有寧死道路不願從
業者若驅逐嚴迫必致大所乞

款以畿內順天八府所屬空閑田地酌量多寡
四散安插及時勸課三五年後生計成立有

家可戀有土可懷然後計乃定差度田出賦
庶流移得所京師填實又言邊備屯田守關
隘革冗員放民壯以全恩信公舉薦以求異
才累千餘言多見采納蘇州寇許良時議以
圖謀不軌治之公執言不可止以盜論釋無
辜數千百人禮部主事章綸建言欲復儲位
下獄禍在不測一日朝退召公至

文華殿問曰章綸這厮無禮輕議朝廷大事公
對曰章綸所言亦無別意不必深罪若害了
他命是成就他好名損了朝廷體面綸遂釋

生未幾奉

敕纂脩宋元二代史書倣朱文公例編纂上接
資治通鑑綱目共為一書應用編纂官屬許
自簡舉吏科都給事中林聰任司直郎公密
薦於

上言以有用之才置之閑散之地宜加甄用命後
前職後聰忤宰執意會臺臣劾之欲加重辟
公力為申辯乃得降京職聰始終莫知為公
所知公亦不言天順元年正月十四日

成王不豫太監興安石公等至

右順門內言

上因病垂萬幾大事付託何人你每與文武大臣
慈計議來說公曰付託何人事屬含糊不如
明言請立

東駕使人心有所歸向倘有不諱請
東駕往

南內迎請父子之間自有處置豈不是順事與
安喜云你也說得是且說得宛轉些終要這
等行公即令報禮部當有侍郎姚文敏公薨
鄒公旋至陳公循等未敢明言但云今日要

問安可速報各衙門知公恐展轉遲悞即馳
言曰今日不是問安要請立

東駕文敏公躍然喜曰這却好胡尚書病在家
我便令人扶他進來及各衙門到議定寫本
封進批出不准十六日三鼓往禮部朝房的
復寫二本伏闕投進有云

陛下為

宗章皇帝之子當復立

宣宗章皇帝之孫正位

東宮助理庶政等語文敏公躍然稱善已而入

朝臣議令文武大小官各署數多封進不及
遂遲延至十七日早變作鼎果進

英廟應天順人復正大位退御

文華殿首名公與高穀至前再三慰諭

上曰我在南宮你兩箇有忠義無偏向的心我都
知道如今正要你用你好生用心辦事又曰與
你一對講書的今在何處高穀對曰是侍講
陳文臣你他做雲南布政朝覲未去未遠
上又曰今改年號不改高穀曰周雖舊邦其命維
新宜改維新元年公曰年號多與前代同者

臣等具數年疏請

上自擇

上稱善又曰陳循等不用它公曰陳循歷事累朝
老成練達

陛下初復大位宜新天下耳目不宜遽有此議
上曰先生說的是遂召循等至前令草詔諭百官
公受命而退自此權奸妬忌無由得親

天顏十九日石亨同張軆張軆楊善稱有旨來閣
下看詔草欲以己意增減公直拒之不從時
石亨革竊弄威權勢錢可畏公視之如常亨

英廟明察終不聽信亨等計不得行遂諷言官再行彈劾次早亨囑法司云若問那罪不成你

每自家承當法司畏懼勢熾煅煉成獄本進

上諭亨等曰商輅無罪見說前日立

東宮它與姚夔好生用心宜從寬典後

上覽公所訴本遣太監陳鼎召學士高穀等議穀

懼亨等勢熾但對曰商輅為人

上所素知初無它意臣等與同事不敢言

英廟降旨吏部取用時鴻臚卿楊善任傍進言曰

陛下豈可輒令夕改昨日纔有

旨着它回今日如何又取

上命遂寢復遣陳鼎諭毅等曰商輅可惜不知曾
去未楊善復應聲曰已去了

上曰到那里善曰已過濟寧時公尚在潞河守凍
未行自後

聖心惓惓屢賜垂問公於是年五月抵家時太夫

公在堂奉養備極其孝敬十一月太夫人邁

疾公夙夜侍側不少懈湯藥必嘗而後進既

殯毀踰禮喪葬一舉諸禮天順三年值歲

出俸資以濟民金活者衆每事之有益
於民有慮於政者必致書旬可咸新之鄉邑
賴以安生八年

無廟焉哀詔抵縣公聞之哀號慟哭若喪考妣
自舍抵縣幾百里徒步奔往車從莫及哀毀
尤甚鄉人見者莫不為之流涕數年之間社
門歛跡以禮義率鄉里以忠孝訓子孫成化
改元

皇上即位有詔自天順年間被誣解官者悉令冠
帶客有告者公曰冠帶之榮人孰不欲但某

以非罪去官心獨無愧雖草木食優游間
里心慨神怡無遷不可況受知

美廟雖屈猶傳烏用是為仍葛巾布袍日以開啓
後學遠近雲集多所造就丙戌年十二月荷
蒙

皇上日月之明洞鑑其枉特降

睿旨遣使馳驛復召起公於次年二月到京俾
復原任仍舊

內閣參預家務公具疏辭謝

上曰先帝已知有枉朕今擢用爾然聽忠辦事不

臣等乃就職知無不言言無不盡是年四月
首疏八事謂勤聖政納諫言諸養將才整飾
邊備革冗濫之弊設社倉之法崇先聖之號
以配天開入德之基以造士皆切時弊

上深加采納六月以四川宣府等處地震上疏辭
職

上曰卿等職居輔道朕方倚託調燮遽乞退閑不
允所辭以天意未回災異未弭復上疏辭
上曰朕知卿往年以非罪罷官特加簡用今何嫌
疑輒求退休宜勉副倚毗所辭不允或子子

夏

慈懿皇太后崩召廷臣議葬事衆莫敢言彭文憲公與公答曰仰惟

大行慈懿皇太后作

英宗廢皇帝正位中宮及

上上嗣后宸極尊為

慈懿皇太后蓋

先帝全夫婦九輪

之上念母子深慈天下後世無容議矣命壽終之

初作宮當合葬

裕陵祔食

英廟此萬世不易之理古今通行之道又引漢文

帝合葬昌后宋仁宗合葬劉后故事乞念綱

常大體

上未俞允復上疏言綱常典理萬一有失安能使
天下後世終無所議夫有出妻之理子無棄

母之道

上猶重違

母后之意未允公乃與彭文憲公率廷臣伏

闕以請感鳴咽泣下

上欲送從所請九月彗星見公上疏言輔導失職乞罷歸不允時御史林誠誣劾

上曰商輅自居內閣累有諍言非外人所知朕以此任周之不疑這言的過其實罷公復具疏辭

上曰往事朝廷已明再不必辯所辭不允又具疏乞歸

上曰朕用卿不疑何恤人言卿勿再辭又諭言官曰昔唐太宗用王圭魏徵朕用商輅有何不

疑言官或有謫謂於懷上疏言臣昔事

陛下以開廣言路為事

皇上不棄芻蕘即加採納言事之臣如脩撰羅倫等獲得收用今一旦因論臣事而言者受責是臣徒保以正道勸

陛下不能以正道自處如公論何方今天象示譴謂多言此正求言如渴之時將來以言為諱則國政將闕係尤有大於此者孰肯為陛下言哉伏望

皇上廣天地之量俯賜優容曲加保全諫惟言者之責實天下之責以此言官保其職時公

失詔數日不朝

上遣中使賜衣菜酒米遣高麗官宣召公扶病至
左順門太監許安等傳

旨令入內閣辦事公以疾未痊復上疏辭
上曰朝廷修舉政務雖有缺第卿宜速出效用不
許故違公起視事

召至

奉天門危慰至再上疏乞歸仍無學士

公上疏辭

上曰卿輔導有勞特茲陞用不准辭平涼土

逆不臣官軍未利者再

上命都御史項忠往征之時物議沸騰人懷危懼在廷之臣咸欲再命將臣師公曰其決勝執不從姚文敏公曰先生此意必有所見但時論危切不可不慮公曰保無虞也未幾捷至羣議頓息

上喜賜公侔奴一人己丑冬無雪公具疏力陳時政之弊

上先責言辛卯冬無雪見公疏辭輔導失職條陳八事其一日崇正道留心聖學母信異端二

曰謹命令斟酌事體慎其出納三日親接見
日御便殿親候大臣副直有議者面議政事
而可否之或論軍民之休戚或訪人才之賢
否覽聽日熟未以無補四曰慎賞罰節賞懷
罰舊典是則使士無偏私之賞人無枉濫之
刑如此則公道彰治法常矣五曰納諫諍言
以古之聖主明君為法虚心屈已聽受羣言
勿惡其直勿忽其迂則下情得以上通久安
長治之道在是矣六曰勵官守戒勵各官懷
勵厥職任股肱者毋率意妄行司耳目者毋

情容默各盡厥職興起事功政善民安在
茲矣至於軍民為邦國之本乞

命該部清理三營草場使官軍便於牧放減退整
募莊田使百姓便於耕作它如各處衛所府
州縣官巧立名色科歛掊剋軍民者重治以
法如此則軍民安生邦國永固矣

上曰然卿等宜益勉佐理壬辰秋公患疾

上賜本草有餌甚富癸巳春盧夫人以疾卒于宮
上遣太監齎寶銀萬緡香帛往慰

命有司恤民具營葬還營故祭兵部備辦力以

難時天下水旱利仍公上疏言人民艱食乞
省科歛減力使寬夏秋之稅勿徵彌山澤之
利勿禁庶幾民困少甦天意少回

上允其言夏五月改戶部尚書兼職如故冬十一
月奉

敕脩通鑑綱目甲午春京城內外盜賊迭起公
疏陳弭盜之方

上深然之乙未夏四月

命無文淵閣大學士冬十一月

詔

景皇帝號初下羣臣議入遣太監懷恩等至內閣
問公等公力陳所以當復之故言甚剴切左
右皆泣公亦泣

上聞為之感動疏入遂允其請公舉手加額曰
皇上此舉堯舜之聖德也丙申春陞太子少保改
吏部尚書

賜冠帶金織麒麟服夏四月

皇子誕生

欽賞白金表裏五月

皇子命名進中賜綾段表裏秋七月

王建玉皇閣於宮北公上疏畧言

皇上為此非存他故無非上為

母后祝釐下為生民祈福用圖保安宗社於萬斯

年之久

聖上敬天勤民之盛心人所共知但稽之於古恐
未合理昔傳說之告高宗曰實于祭祀時謂
弗欽禮煩則亂事神則難伏乞

聖明將前項神祠停罷神像送宮觀侍奉祭服祭
器樂舞之具送太常寺收貯凡內廷一應齋
醮之設悉且停止今後

聖節殿項修繕應照舊例施行勿為輟漬庶幾天

心昭鑒可以變災為祥

宗社萬萬年無疆之慶端在矣

上是共議即罷之宮門災工部蓋造缺松杉等木

奏差內外官員請

較前未江胡廣等處起運抽分木植前來應

用公以速之江相似人氏艱窘早疏之旨

停止內外不必差官候各廠抽撥改多通新

少寧令彼差人起運況官罰稅大澤力費者

不急之務一切能去營造之事亦宜少緩

正光之末幾請立

東宮進表稱賀

賜白金綵段時妖物出漢人心恐惑公上疏言

天心仁愛我

皇上之至故屢屢假此譴告警示實欲濟斯世於
平康之域也往日災變文武羣臣嘗舉政事
之當興革者上達矣

皇上允納而行之者有之暫從而後寢者有之今
妖物之出寧不在茲乎後吳八事內言財用
虛平國之仰給不可不節近來

朝廷貨財多為下人侵耗如哈密等處番人帶
來玉石寶石之類計囑鋪行人等多估價低
賣官規取庫藏銀兩番僧授職在彼土管事
者例該給與印信如遇事故襲替止用舊降
印信不許重請如此則事體得宜財無妄費
玩好為伐德之斧斤不可不慎乞明降

詔旨今後除常例歲貢外其內外之臣敢有以
玩好之物上進者治罪不宥言路之開為通
達下情也蘇軾有曰天下之治亂出於下情
之通塞也

明詔廷臣九致災之由刑罪之策悉陳以聞
之善者俯賜聽允不善者亦不加罪如
則言路開矣刑罰之誅有罪也韋陶曰惟
惟允乞選請練刑名老成官屬照例請

教分撥各處會官重加詳審務使情真罪當輕
重適均則刑罰當矣役不以時則民不堪生
而怨譴之聲於是不興乞仰體先王仁心審
今日興作緩急除城隍垣所當建外其餘
不急之務即下

德音悉令停止糧餉不足則軍無所恃而戰陣

之勇於是乎隨乞

敕戶部查其各處糧草實數每歲可勾幾時之
用設有不虞可贍多少人馬如果不敷作何
措務令邊備充實不致臨期誤事關口之
設為禦外侮也必嚴督官軍將各邊口子塙
垣逐一檢視舊務令堅固不許虛應故事
以致臨期有誤地方之重不可任用之久也
彼如兩廣四川貴州俱有巡撫官而雲南置
宜獨無乞推選剛直有為智識超卓大臣一
員請

於前去撫鎮地方凡利有當興弊有當革悉
處置施行此皆時政之弊

上是其言丁酉夏四月

命燕謹身殿大學士時近侍汪直權傾中外設
西殿行事公具疏乞照

祖宗成規語極切直

上可其議遂罷西殿秋七月公因疾作疏辭懇切
上曰卿歷練老成朕方倚任但自陳衰朽力求退
休特茲俞允以遂優閒陞少保仍寓勅給驛
與他回去公復具疏辭少保職

上曰卿輔導有年今乞休致特陞前職不允所辭
於臨行之際

上遣中貴齎勅并白金寶銀金織襲衣往送其第
在建文武祖餞都門公於是年十月抵家盡
錦光榮優游閭里日以歌咏太平為事去家
百步命工建樓屋數椽以為藏儲之所凡

上所賜聖敕書畫服飾之類咸度其中日具尊祖
以延親朋奇花異草雜映庭戶引水為池種
蓮數本每遇盛開攜子孫往賞之馨香可愛
家居十年每春遇

萬壽聖節必詣縣祝頌外此足跡未嘗一至城郭
雖久處林下瞻仰

聖德之心拳拳匪懈癸卯春值公亡旬遠近親朋
往慶者衆是年秋適長子侍講君南謫主考
便還歸省稱觴庭下鄉人榮之甲辰年春雪
甚桑蟹弗利有司課絹甚急公致書有司悉
令免貸民得少甦丙午年春次子良輔主事
公差歸省時公尚無恙至六月疾作公平日
起居最慎忽自前歲冬日漸瘦雖疾甚而
不少廢未嘗一日以臥與人言論從容如故

時七月一日偶顧茲子報白疾甚不復
也良輔曰大人壽且高遠可為言此公曰
今幸得汝歸送我病好能蓋由我乎昔
嘗敢有逆事所致况我以一介書生官至
品年過七十有子有孫人生至此足矣况生
死晝夜常理雖死何憾焉但

朝廷莫大之恩未盡補報萬一為歎爾兄弟
叨沐祿位日近

清光常竭力勉圖報稱即我之所以事君也哉可
瞑目於地下更無一言及私但云我明日當

不言至期果然一晝夜睡息如雷至次早才
醒復起坐談笑自若良輔又請平生所行履
歷公曰我平生不記行事之蹟汝必欲問備
錄姚文敏彭文憲二公行事大節求之可見
又曰我死後喪葬一本文公家禮切勿用淳
屠毋違我言言訖而逝時七月十八日也公
生永樂甲午二月二十五日年七十有三娶
盧氏封夫人先歿子男三長恢早卒次良臣
由丙戌進士歷官翰林庶吉士編脩侍講次
良輔由國子生授禮部精膳司主事女四長

這鄉貢進士周作次達兵部主事吳誠以
早卒次達中書舍人姚璽孫男四長汝謙國
子生次汝順邑庠生汝恭汝晉孫女四曾孫
男四曾孫女四

上聞公卒悼惜不已贈公特進光祿大夫太傅謚
文懿遣官致祭仍命有司如制營塋墓在漢
安縣南樓上坂公風儀俊偉器宇凝肅忠厚
仁厚出於天性自幼至老敬慎如一日
嚴肅無情容無疾言雖閒居無事常若侍
父側與人談論古今事理得失

重弘大休休有容有害公者未嘗留怨其人
服其德益加感愧先後蒙

朝廷賞賚金銀綵幣寶鉞冠帶衣服書璽鞍馬
飲食之類有加而公處之泊然於物尤愛惜
雖賸材集字未嘗輕棄非其義一介不取廉
介之操始終如一接人恭而有禮交朋友
誠必信人有善稱之惟恐不及論薦人才
嘗以語人至於

朝廷之上論大事決大疑從容數語切中事體
聞者悚服文牘盈案剖決如流畧無阻滯而

於義之所在必力為論辨毅然不可拔嘗一
主考會試五為廷試讀卷官皆稱得人於書
無所不讀為文章渾厚典實一主於理為詩
陶寫性情雅容雅澹不為尖新可喜之言以
徇俗好有素庵集若干卷歲至家獻題公詩
甚多每愛最深故知公履歷為詳謹述其
軼行已之太節如右用乞銘

當代名筆幸垂採擇焉

賜進士通議大夫太常寺卿兼翰林院侍讀
士燕脩 國史 經筵講官主錢延平

明故少保吏部尚書兼

謹身殿大學士贈特進光祿大夫太傅謚文毅商

公墓誌銘

成化丙戌冬

詔起竊兵部左侍郎兼翰林院學士商公於淳
安山中至則復職仍叅密務公辭不允乃感
激就任累遷太子少保吏部尚書兼

謹身殿大學士丁酉以疾懇休

上察其誠從之陞少保兼職如故賜璽書金幣
衣寶鑑給驛以歸抵家十載始卒丙午七月

十八日也沂生永樂甲午二月二十五日壽

七十有三計

開深見悼惜曾特進光祿大夫太傅謚文毅遣官
諭祭者四

命有司營苑如制嗚呼始終榮哀至矣公諱輅
字弘載號素庵姓商氏始祖諱瑗宋嘉祐間
自西夏都知兵馬使來歸賜地于邑芝山子
孫因家焉三世俱以蔭補官至祖敬中孝仲
瑄咸因公貴累贈資政大夫兵部尚書兼翰
林院學士祖妣胡氏妣解氏俱夫人公自幼

穎敏卓越宣德乙卯以壁經發解浙間

乙丑會試廷試俱第一授翰林脩撰尋

進學東閣務期大用繼選

進書遂

進諫已巳陞侍讀擢入

閣參預機務時

北狩國勢危疑公有倡議南遷者公力沮之

虜逼京城公與文武元僚經畧戰守遣官撫

輯向居降虜徵各邊師選兵入授揭榜賊營

則虜首為喜寧報誘擒也先書故遺千歲

得榜與書來自相疑通明年景泰紀元之秋
往迎

英廟回鑾移居庸關革詔稱

旨賜酒果馬匹既而錦衣盧指揮兵言南內事
窮治不已公言此不足信獄遂不竟士申初
議易儲公謂此國大事有

皇太后在上臣下誰敢議此明日有

旨會多官議附和者衆公爭不可喻歲鍾同章
綸相繼請復儲下獄禍不測公因

召對力救綸竟得免丁丑春

皇帝次孫公即與陳公補伯諱後儲以繫人
不允繼其疏公換筆增二語

下為

示章皇帝之子當後立

章皇帝次孫公即與陳公補伯諱後儲以繫人
不允繼其疏公換筆增二語

日也

又明日權奸嘆吉官振撫再勅坐免

訓文社門不出及後起首疏八事舉切時弊

戊子以地震乞解

上謂以訛變宜去是夏詔議

皇太后薨禮公同彭文憲公力言祔陵祔廟
理不可易至率廷臣伏闕泣請卒從之尋因
夢見言官有所誣訖公力求退

曰朕刑卿不疑何恤人言又詰責言者曰唐太

宗用王魏朕用商輅有何不可欲加譴調公

言臣等勸優容言官已何嘉納如備撰雜倫

後得召斥今因論臣而反責之如公論何時

一乞言召公遂稱病勉慰再三尋陞尚書仍

學士舊苗滿四叛官軍往討未下廷臣規再
出師邀功有危語公與同官執不從未幾捷
至

上喜賜公倖奴二人己丑冬煥公陳時政之弊辛
卯冬彗見復疏八事壬辰以天下水旱相仍
請省科歛減力役寬兩稅弛利禁悉從之是
冬奉

勅修續通鑑綱目乙未夏進燕

文淵閣大學士丙申加太子少保改吏部

賜冠帶一品服時禁中建玉皇閣公論毀之又

請建儲尋因黑青見極陳時弊丁酉無
謹身殿學士時內臣汪直創西廠輯事權傾中外
公指斥激切即為革罷公亦決於去遂得辭
公配盧氏封夫人先卒

教塋邑南山之原子男三長良臣仕至翰林侍
講苑公兩月卒于京次良輔禮部主事女四
長適鄉進士周忭次適兵部主事吳誠次早
世季適中書舍人姚璽孫男四汝謙國子生
汝順邑庠生汝泰汝晉女四曾孫男四良輔
將以卒之明年月日奉公報啟盧夫

人之封而莖焉前事以太常卿兼學士王惟
臣所述事狀屬銘直公門生兼承愛重方聞
訃悲慙不勝銘何敢辭惟公年儀山立襟度
淵澄詞氣溫徐平居敬慎不懈接人恭遜早
擅三元旋登

內閣以經濟為已任以薦賢為首務川論古今
治亂事機得失賢否盡舉不倦文辭盈案裁
決如流中遭誣間夷然不校權奸既敗事自
復起倚昆益切建明良多一時憚于搆傾舉
無能為卒之身逃名元德業著於當時風聲

登祿後世視古名相碩輔如勃之重厚崇之
應變旦之沉靜亦何忝哉先復家

嘗春金幣冠服書籍鞍馬飲食之類頗腆而自
處泊然嘗一主考會試五為廷試讀卷官
稱得士於書無所不讀為文渾厚雅贍詩主
平淡不雕刻有集若干卷傳于世蓋一代偉
人宗上銘以昭之宜矣銘曰

天佑皇明川岳鍾靈篤生魁傑為時偉人有偉
文毅蚤擅三元存登內閣參政衡鈞展志行
道克濟中興尋遭變故東歸川中望懷泊慮

訓子奉親銘自白

寵命更新匪躬匪懈弼亮經綸因天仁愛謬言
縻味

宸衷乎算海宇又寧明良魚水今昔奚類群比
醜正力辭以貞松栢挺秀陰靈廓清倚此方
切其如功成辭榮成滿奉身完名涼風曠日
洛社耆英慶延哲嗣澤在斯民諸福克修始
終哀榮流芳百世視此銘文

資善大夫太子少保兵部尚書兼翰林院學
士銘

制誥無脩

國史

經筵官泰和尹直撰

大明故少保吏部尚書燕

謹身殿大學士

贈特進忠祿大夫太傅諡文毅商公神道碑銘
宋王沂公少負重望以三元位至宰相能而
復起辭再其後鄆州之罷竟弗起君子惜之
嗚呼大臣之進退誠係天下之重輕然其機
則固有所以主之者而人力不與焉亦惟盡
其在我而已哉

朝文毅商公文章功業寔與沂公不相上下而
其於世亦不能無遺憾焉昔以公事與心違未

究素抱云爾公初領嘉慶乙卯鄉薦第一上
春官宋偶卒業太學及滿李忠文公深加器
重人即以台輔期之正統乙丑會試

廷對俱第一授翰林修撰尋

命宋闕進學

經筵展書遂

命進講已已陞侍讀與彭文憲公同被
命入

內閣恭預機務寔

簡在力曹

英廟北狩國步方艱南徙之議雜然沸騰公以身
任安危寅恭匪懈凡綏輯戰守咸遠緩急之
宜既而勤王兵集虜勢稍退人心始定公之
力居多明年景泰紀元秋陞學士奉

命迎

英廟回鑾於居庸關周旋曲當錦衣指揮盧忠奏
言

南內事小請上始治卒全大體壬申春議易儲
公曰此大事也有

皇太后在上敢輕議乎翌日廷臣衆和力不能贊

既而預議者皆被賞。惟公固辭。六月。陞兵部左侍郎兼翰林院學士。左春坊大學士。江北及畿輔自罹寇變。民多流徙。失業。公請。不有司度曠土安輯之。又陳邊備屯田守關隘革冗員。釋民壯。公薦舉六事。

上納之。主事章綸給事中林聰以建言觸忤先後下獄。益危。公力救之。丁丑春正月。

景皇帝不豫。公即與大學士陳公循首倡復儲。不允。再疏益懇云。

玉樹為

宣宗皇帝之子當復立

宣宗章皇帝之孫復之一字是公心語也詰旦

未及進而變作矣

英廟復辟召公對曲加慰諭隨問改元公對曰

請

裁定又明日權奸欲預草

詔事弗遂諷言官巧詆遂下法曹殿煉成獄荷
英廟素知公獲從寬典坐充尋欲召用為忌者所
沮公歸閒十年無毫髮怨尤惟杜門省過而
已

憲廟即位之明年追念舊學遣使驛召之次年春
至京以野服

陞見懇辭不允乃復舊任兵部左侍郎兼翰林
學士立首疏八事勤政納諫儲將材飾造備革
冗貲議柱倉崇先聖之跡以配天開入德之
基以造士

上嘉納之戊子地震再上疏乞罷不允夏

慈懿皇太后崩

詔議葬禮公與文憲公力言祔葬祔廟所以體
先皇萬夫婦之義昭

皇上全母子之情斷不可有異議至率建臣伏

關泣請

上為感動卒從之秋華見且言官誣詆公求退甚力

上溫旨慰賜至欲罪言者公復懇救得免昔公偶微疾在告

上遣中使問遺稠疊稍聞

召至榻前勉慰至再尋陞尚書仍兼學士首恭首滿四叛官軍征伐未利衆議紛紛力主之未幾果捷至費省百倍

上喜賜俘一人己丑冬燠辛卯冬雪再見壬辰
至癸巳四方多水旱公侯引咎繼手疏言政
之弊言皆切直夏五月改戶部仍兼學在冬
十一月奉

勅脩續通鑑綱目乙未夏四月進燕

文淵閣大學士丙申春陞太子少保改吏部賜
一品服秋禁中建玉皇閣公力請毀之宮門
災公疏免採木又疏請建儲尋因黑眚見極
論皆弊

上然之丁酉夏進燕

謹身殿大學士肯內臣汪直創西廠中外
重足莫敢言公抗疏革罷於是諍思衆聞公
亦於摺求去秋七月以疾懇辭得請陞少保
仍給傳還鄉濱行後遣中官齎

勅至第并白金寶鍊綺幣之賜優禮勤至錦旋
後日輿親朋觴咏自適足跡未嘗入城府然
天祐純德康強無恙故十餘年間得遂優游
林壑之樂

憲廟聞公入念公數問其起居

聖意方在贊成將順而公亦不久辭世矣惜哉公

神宇峻整德器重厚忠孝之性出於天成與
物接不妄言天至論大政決大疑則剖新謀
明聽者疎然其因事納忠開廣
聖聽天下陰被其賜者甚多用是愛知

三聖雖中選誣問而

眷注特隆海內仰之不少替豈無自哉公諱略
字弘載別號素菴其先汴人始祖諱瑗西唐
都知兵馬使奉使歸宋賜地浙淳安遂山因
大厥家以蔭補官者三世祖諱敬中父諱仲
瑄俱隱資政大夫兵部尚書兼翰林院學士

祖妣胡氏妣解氏俱贈夫人配盧氏封夫人
公生永樂甲午二月二十有五日卒歲化丙
午七月十有八日享年廿有三訃聞

上為震悼綴視朝

詔贈特進光祿大夫太傅謚文毅遣官諭祭者
明先君癸巳春盧夫人卒

秘葬邑南山之麓至是復

勅工部遣官林城合葬焉子男三瑛早世良臣
為林寺講良輔太僕少卿女四季早世鄉進
士郎中吳誠知府姚望其婿也孫男元

汝謙尚寶司卿汝順吏部司務汝恭汝晉
禮舍人汝升監生汝復汝恒汝孚汝觀曾孫
男十一人慶中書舍人承德承翰監生承
康膳生承藩承學貢士承芳監生承獻承
承祐孫五振宗振祖振英振玉振綱
憶初忝科第時公在

內閣辱不鄙後進惓惓接引及公休致歸特枉
顧握手敦勉言猶在耳迺茲逾四紀公之孫
汝順以碑銘見屬面若有待者感念令昨愧
知已多矣執筆之後安可辭哉銘曰

芝山巖集維嶽嶽鍾靈毓秀昌期逢偉哉文
毅產其中翩翩彩鳳鳴高桐胸藏星斗氣吐
虹三元及第王曾同祥雲五色映瞳朧川舟
歲霖望已隆

經惟簡在迴

重瞳絲絲紫閣地位崇授艱遺大協寅恭乾坤
旋幹伊誰功匪躬直犯奸邪鋒掛冠自幸歸
併像天為蒼生啓

帝表

璽書遠下徵卧龍北向感泣心忡忡臣心上與

先皇通

嗣皇亦念臣孤忠披肝瀝膽歸囊封丹宸金鑑徹
宸聰立朝正色無阿從穆清高拱亮天工坐令
宇縣樂熙雍奉身願作漸逵鴻逍遙綠野醉
春風江湖廊廟情無窮公之進退何從容典
刑遽矣百世宗我銘後勒斯碑穹國有信史
徵予公

賜進士及第光祿大夫柱國少傅兼太子太傅
禮部尚書

武英殿大學士致仕徐姚謝遷撰

商文毅公傳

成化丙午七月甲子榮祿大猷少保吏部尚書

謹身殿大學士商公卒訃聞于

朝贈進光祿大夫太傅謚文毅遣禮部諭祭

工部營葬皆如制仍敕吏部官其孫汝謙為

尚寶丞實異數也公諱輅字弘載別號素庵

姓商氏其先汴梁人始祖瑗流寓西夏徙都

知兵馬使宋嘉祐中歸正得賜宅于今淳安

芝山以蔭補官者三世遷為淳安世家詳敬

中者公之祖諱仲瑄者公之父俱以公貴累
贈資政大夫兵部尚書兼翰林院學士祖母
胡氏母解氏並贈二品夫人公自幼穎敏書
過目成誦始成童遊邑庠時學論王端最名
有絳學試以堦業下筆十餘言立就即以狀
元竊相期之宣德乙卯發解浙江第一明年
正統丙辰舉禮部弗利乃入太學李忠文公
時為祭酒見而異之特設館束廩之後俾卒
業及己丑會試廷試累擢舉第一入為翰林
有異庫內翕然號稱三元學者仰若星鳳丁

卯春

詔選翰林老成文學士人供奉文字公預焉
無何

上諭經筵曹學士鵬曰商修撰可充展書官但莫
與對者尋選充日講官已巳陞侍讀

召入內閣備顧問預機密時值

車駕北狩人心恟恟公力主群議請

郅王即真以安反側聞有議南遷者坐而序之

總兵石亨通於虜懼無援兵公請撤楊洪曹

義刻期入援且以計殺其寧之為虜向導者

虜勢大觴閩浙雲貴兩廣叛賊蜂起公運籌
決勝以次剿滅景泰元年陞學士奉迎
回鑾於居庸關對御草詔無不稱

上旨意處置虜使周旋得宜是年進階加勲與文
學士徐循位相埒錦衣指揮盧忠妄言南內
刑及院監將蔓延于衆公身自保明置忠于
獄烈禍遂銷壬申三月

正衙方罷太監王澄舒良托廣西軍頭黃珙言
儲事云不可異日胡尚書浚復執是會議公
力不能奪竟易

沂王自是預議者皆蒙峻雅被重賞公獨固辭

後始以年勞陞兵部侍郎兼春坊大學士

賜居第於崇文門內仍刻戒懷自持銀印章褒

賞之江北自經已巳變故居民太平轉徙失

業公誦下有司度所在闕田隨處安輯畿甸

生聚死後繁盛至於飾邊務清屯田汰冗並

用賢才等條件凡有益於天下者歷歷爲人

上言之蘇州獲妖寇許良連坐數百人議者欲盡

徙蘇民公曰此特妖寇斬倡首足矣餘無害

知悉放之一中貴被

音往

廣

以

兵

從

行公曰虎可假

之

川廣湖黃苦於饋餉即請命勒歸已巳徵發

畿甸諸郡民兵輒集京城有司遂為常例民

倍怨公請悉放歸農以全大信紮荊州馬

白羊諸關隘每歲遣撫軍更番守備而巡關

之軍却赴京操公請兩易之便臨清總兵易

州參贊及兩直隸屯田官凡增置者漸次裁

抑舊時教職多用貴緣薦舉者乃請止之自

是敘職盡用科貢人充選禮部主事章以

直言下祕獄公力拯之得釋

詔脩宋元通鑑執事官屬得自簡拔乃特舉刑科
郭給事林聰為奏坊司直已而復舉為吏科
後聰以忠直觸權臣怒罪當論死公力拯得
減其譴丁丑正月

景皇帝不豫而儲貳未定太監興安以言結羣臣
公奮曰

宣宗章皇帝之子但當復立

宣宗章皇帝之孫它非所當立者言未及進而奉
門之兵啓矣

英廟復辟即日以迎立事置于少保等極刑却召公與高學士穀入便殿慰諭再三計議改元年號草詔頒赦石亨等密語公曰今次赦文須一抹光不湏別具條款公曰舊制孰敢擅改亨勃不悅遂騰誣謗欲附致于少保元案興崇和解

上愈怒興安曰當時此輩附和南遷不省將置朝廷何地今有奪門功即復爾耳

上怒稍解亨革復挑法司羅織鍛鍊獄久不成乃坐削籍為民公去後

上旬念日商學士朕所取三不嘗與姚燮効力東
宮最多可惜其去忌者從旁排擠竟不復召
唐聞十年閉門省過閉門授徒無幾微怨尤
見於言動

康熙卅二年之明年追念舊勞復召入閣公趨召以
庶民長冠

聖見已乃公服謝恩復懇乞避讓

上溫旨慰勉乃入供職九時政闕失靡不披心張
膽敷陳剴切以魏徵陸贄程順范祖禹張九
齡諸古人自期

上益加敬重戊子

憲懿皇太后升仙合塋祔廟之議滿朝莫敢舉
公與彭文憲執曰合塋則是不合塋則非祔
廟則是不祔廟則非相率羣臣伏

闕堅請號愬之聲徹于

宸御兩宮感動竟從所請有欲讓公位者揣

上意諷御史以景泰中事舉劾

上曰輅居閣下累有諫諍非外人與知朕自知爾

亡史後論及此

上曰朕用輅可比唐太宗用王珣何言之謬矣

貶竄御史公亦抗疏陳請得免公偶嬰疾
在告

上遣中使挾御醫診視候問頗且多饋遺稍間
即

詔諭出視事尋陞兵部尚書涼屬羌叛官軍敗
績項都御史忠往督戰立功者張皇城感將
發禁兵征之公勿聽姚文敏公私相語曰事
迫勢危不可不深長慮公曰保無虞也不數
日捷至人服其料量明決而

上亦甚喜賜之俘奴

仁壽太后莊個與民相競欲徙其民塞外公曰豈
有細民敢與

朝廷抗耶竟從寬貸辛卯冬彗出天田入太微垣
公引咎自劾復條陳弭灾事宜以聞一曰崇正道
二曰謹命令三曰親賢臣四曰慎賞罰五曰納諫諍
六曰勵官守七曰恤軍民言極懇到多見稱納癸巳
四方疊奏水旱公請蠲夏秋一稅有差且廣賑濟全
活者無算其月改職兼戶部尚書十一月奉

續編通鑑綱目明年乙未書成

詔兼文淵閣大學士一日議及

郅王監國公醜縷言有社稷功當復帝位號左
右間者皆泣下

上聞之亦下泣遂復

景帝號丙申春陞太子少保吏部尚書四月

皇子慕薨

上方以嗣續為憂左右知西宮儲貳已長但懼帝
無敢語公獨婉轉探引東宮適立復以善辭
安慰

昭德始終保翼以達猜嫌逾月

東宮母紀貴妃薨公舉宋李宸妃故事殯斂乘

如禮七月

上建玉皇閣於禁內別創禮儀樂章將有事焉
力沮之閣遂廢

乾清宮內夾綰部擬遣使綱運木植公沮以
勞不宜重役是年黑肯見公因條陳弭災
事曰番僧國師不得重給符券曰四方常貢
外勿受玩好曰諸色人許直言自達曰分遣
部使者慮囚以理冤抑曰停不急營造曰實
三邊軍儲曰守緣邊關隘曰增置雲南巡撫

上皆嘉納丁酉四月

謹身殿大學士時汪直新出西殿立威擬至尊
內外官目不視席公疏上罪以聞且云用此
人實繫天下安危

上憲曰周一內臣焉得終天下安危太師懷恩傳
旨詰責甚厲公正色曰朝官無大小有罪皆請
旨收問渠敢擅抄扎三品以上京官大同宣慰
北門鎖鑰一日不可缺太守者幾一日擒賊
數人南京

祖宗根本重地留守大臣誤殺擅自收捕

渠收禮自換易此人不知國家危乎安乎
恩聞之咋舌而退即日撤去西殿然

朝廷雖安而公位始不安矣七月屢上疏乞休
上特俞允加少保致仕公卿餞送載道談者比之

漢疏廣然於春公壽七旬長子良臣以待講

歸爲壽至丙午次子良輔以主事歸省公喜

曰事得汝歸爲我送終吾官至一品壽踰七

旬有子有孫此生足矣但

主上恩不能盡報在汝兄弟在汝兄弟就枕鼾睡

一晝夜不醒忽忽如震雷十八日晨起

談笑如平時乃嘆曰吾猶舉十年始行舉進
士四年即入閣後被讒去位又復十年後起
復入閣又復十年乃休致余休致又已十年
數盡于此良輔泣請曰大人平生不喜自表
礫兒輩它日將何稱述公笑曰何必有聞必
欲有聞當於姚文敏彭文憲二公大畧求之
官訖而卒公生永樂甲午二月十五日午時
十有三娶盧氏累封至夫人先歿墓在淳安
南鄉銅橋子男二良臣居長官至翰林侍講
良輔居次官至太僕少卿女四子早世進士

周忭兵部郎中吳誠姚安知府姚璽皆峇也
孫男九汝謙以蔭補任尚寶卿汝順吏部司
務汝泰汝晉汝升監生汝恒汝孚汝曾孫
承慶中書舍人承德承翰監生承美承學承
芳監生六在內閣與萬文康公不協及請贈
謚蔭補萬多方沮撓

憲宗曰朕素知汝為人忠義可嘉朕特為此箇小
事乃開了他十年好官相應恩典悉予勿文
故凡所賜予皆出望外敘任歸日北劉先生
見其子孫多賢乃嘆曰某與公同歲若干年

未嘗見公誓下妾殺一人宜爾子孫若是公
應之曰實不敢使

朝廷妾殺一人也公仁恕清慎有長者風飲酒
終日不醉尤疎財貨未嘗聚私聚私賢者國
心恒切暗披明引不使人知公著述頗多兩
遭回祿鮮有存者予常聞馬少師曰我

朝賢佐商公第一文貞文達莫或先也今得見
三啓事獻所撰公行狀及讀公奏疏畧知公
之令猷盛德人或不及知者故復為細次
如右若其日月獻納便宜施行者具于

國史

正德戊辰冬十二月吉日

賜同進士出身奉訓大夫吏部驗封清吏司員外郎寧波楊子器謹撰

成化丙午秋七月既望大父病少間因
請平生行蹟曰貽汝父恨予以皆臣子
職分內事何自暴為竟違其言越信宿
捐館時翰郎訃來先君棄背六旬有六
日矣翰長王先生述所聞見參考部咨
力疾撰行實脫藁匝月亦卒噫遺集兩
盡於回祿而遺行僅成於衰憊之餘豈
造物者忌故為是畱邪汝願生也晚幾

無所於考心思一及背汗為浹厥後澤
揚柳塘傳率多行實所未備又竊慰嘉
言善行之在天下有終不能泯滅者博
雅如柳塘夫豈無其人但交接寡而聞
見孤以成大戾耳不吝誨勤以足始終
之職業不孝之罪庶其贖然一云

正德十年歲次乙亥秋八月既望孫汝順

謹識

商文毅先生以三元起我

皇明德業文章昭布海內雖窮荒絕域
庸人孺子咸知其名而慕其風矧生
於其後出於其鄉者仰止何如哉先
生平日制作甚富而行蹟甚偉然中
多散逸而遠漸湮沒若奏疏行實二
冊則其孫今夏官汝順所彙集成錄
者言竊得讀之而先生之忠謨懿範

大畧具見所謂老成典刑是矣
爰用鋟梓使百世之下欲知先生者
尚有所考焉

正德十六年歲次辛巳秋九月望日
廣東右布政使晚學王子言謹書

商文毅公遺集終